

Iomdha sochar ag síol Néill

[Knott, E.: *The Bardic poems of Tadhg Dall Ó hUiginn*, Irish Texts Society 22-23 (1922, 1926), poem 7]

1 Iomdha sochar ag síol Néill,
fada ó do hoirdneadh iadséin,
síol an cheinnbhile ó Bhóinn Bhreagh,
tar deirbhfine móir Mhíleadh.

2 An lá nách leó Fiadh na bhFionn
ní dhligheann airdrí Éirionn -
croinn lubhghorta chlann gCobhthaigh -
barr umhlochta d'Eóghanchaibh.

3 An uair bhíos éinrí oile
i gceannas Chláir Úghoine,
ní faghuir géill ar ghiallaibh
ó dhaghfhuil Néill Naoighiallaigh.

4 An tan ríoghthar neach d'uíbh Néill,
ní cuid amharais ainnséin,
do chloinn ghéirreannaigh Néill náir
géill gach Éireannaigh d'fhagháil.

5 Tug siad, mar is iad is fhearr,
tuarasdal d'fhearaibh Éireann -
sgotha slóigh bhuanasdraigh Bhreagh -
tuarasdail dóibh ní dlichthear.

6 Dlighidh Ó Néill íoc 'na fhuil -
gi bé dá mhuintir mharbthuir,
'sní théid eineaclann uadh d'fhior
do shluagh geimhealtrom Ghaoidhiol.

7 Ní an fós, is feasach linn,
a gcóir i n-éanaird d'Éirinn,
's atá cóir Éireann aca,
slóigh na gcéimeann gcurata.

8 Clanna Néill na Naoi nGeimheal,
níor geineadh, ní geinfidhear -
tamhain a Tealaigh na bhFionn -
a samhail d'fhearaibh Éirionn.

9 Ríoghradh Éireann uatha amach,
is clann Néill mhóir mheic Eathach -
níor lia rígh don fhréimh oile
'ná dhíbh san réim ríoghroidhe.

10 Díobh ríoghradh Bhanbha na mbeann,
díobh forgla ardnaomh nÉireann,
do shíol ríNéill bhragha Bhreagh,
fírén ghlana na nGaidheal.

11 Do mheas Mac Coise clann Néill,
ní fríoth leis ionta i n-éinchéim
barr tar ainglibh phuirt phardhais
d'airdhibh uilc nó iomarbhais.

12 “Gi bé is measa”, ar Mac Coise,
“d’fhuil Néill, is í mh’fhiadhnoise,
is é is fhearr uathaibh amach,
an dream ó Thuathaibh Teamhrach”.

13 An chuid is fhearr d’aicme Néill -
ní daoine adubhairt riúséin,
na croinn phailme ó phurt Doire,
acht aingle i gcurp cholloidhe.

14 Atá breath Mheic Coise ó Chluain
ar shíol Néill Oiligh armruaidh
'na chlú mhór shíordhuidhe ó shoin
tar slógh bhfíonmhuighe Fionntoin.

15 Atáid cáis iomdha eile
ag síol Eóghain d’áiridhe
do bharr uaisle ar naomhchloinn Néill,
na saorchroinn uaisle a héinfhréimh.

16 Táraidh Eóghan mhac Néill náir
beannacht Phádraig an phríomhfháidh,
géag ós choill mhoighe Macha,
tar cloinn oile an ardfhlatha.

17 Fágbhais Pádraig Phuirt na bhFionn
eineach is eangnamh Éirionn
tar síol Néill d’fhágbhálaibh air,
's ar fhréimh ágnáraigh Eóghain.

18 Do ghabhdaois neart chlann gCrimhthain,
'sníor ghabh éinfhear d’Éirionnchaibh
cumhachta ar a shíol ó shoin
do bhríogh udhachta an éarloimh.

19 Fuidheall seinbheannacht síol Néill,
toradh urnuighthe an fhírén -
an ghéag abhla d’fhiodh Teamhrach -

aniogh tarla ag Toirdhealbhach.

20 Mac Néill mheic Airt Óig mheic Cuinn,
iarsma na ríogh ó Fhréamhuinn;
rí is córa dá bhfacaidh fear
do mhacaibh móra Míleadh.

21 A mbí idir ór is umha,
a mbí idir ré is réaltuna,
ag rígh mhoighe bhuig Bheannchuir
ón chuid oile d'Éireannchuibh.

22 Rí nár léig éinní a hUltaibh
le sluagh nÉireann d'iomarcaidh,
rí ré a fhionnachtain is fhearr
'ga mbí iomarcaidh Éireann.

23 Rí ó a bhfuilid fir Uladh
gan chogadh, gan chathughadh,
gan tnúidh, gan fholaidh, gan fheirg,
gan toghail ndúin gan díbheirg.

24 Rí nár bhris a bhréithir ríogh,
rí ara lugha lucht míghníomh,
rí nach geallfa ní fa nimh
acht ní is dearbhtha do dhéinimh.

25 Gé bheith sí ar an slighidh móir,
do fuileóngthaoi fail deargóir,
le cruas riaghla fhear nUladh,
feadh bliadhna gan bhaoghlughadh.

26 Do rachdaois mná moighe Fáil
ar fheadh nUladh 'na n-éanmhnáibh,
fa sduaigh ndeircmhir móir Macha
i mbeirtibh óir ioldatha.

27 Dá dteagmhadh long fá lán séad
i n-imlibh cuain gan choimhead,
Toirdhealbhach do-ní do niort
nách oirbhearnach í ag imtheacht.

28 Móide is iongantach don fhior
an riocht 'nar chuir an Cúigiodh,
bheith don Bhanbha ghéagthruim ghloin
'na héantuinn fhaghla acht Ultoigh.

29 Atá an chéiddíle arna cor
lér dhíoláithrigh Dia an domhon,

nó a mac samhla ar bhraoinlios Bhreagh
aoibhnios Banbha do báitheadh.

30 Atá Naoi oirdheirc oile
san chríchse chlann Rudhroighe,
gnúis mhaordha dá moltar geall,
dá caomhna ar dhortadh ndíleann.

31 An cúigeadh eang d'fhiadh Teamhrach
don chursa atá ag Toirdhealbhach
tírim do Bhanbha na mbeann
ar dhílinn fhaghla Éireann.

32 Naoi mhac Láimhiach eacht oile
mar sin rug Rí an ríoghthoighe,
géag thromthoraidh nár mhoidh mionn,
tar moir ndromchladhaigh ndílionn.

33 Do bhí an domhan fa dhall chiach
ré linn Naoi mhóir mheic Láimhiach -
sé 'na sheanadhbhar ó shin -
tre neamhadhradh nDé dhúiligh.

34 Acht trí meic Naoi agus Naoi féin
do bhí síol Ádhaimh ainnséin,
lucht an domhnán mar dirthir,
lomnán d'ulc is d'aindlighthibh.

35 Tig aingeal Dé anuas do nimh
go mac Láimhiach lá éigin -
cíoith báisdighe is mó do mhill -
d'fháisdine dhó ré ndílinn.

36 Teachtaire Dé ris do ráidh:
“báithfidh cách uile d'éanláimh -
lucht aidhmillte ortha is fhéarr -
gairbhlinnte dorcha díleann”.

37 “Déantar uaibhse”, ar an t-aingeal,
“eathor téigleach taobhdhaingean,
suil tí an sál doighirthe dubh
tar clár dtoinighthe an talmhan”.

38 Mac Láimhiach - lór do mhisnigh,
ar impidhe an aingilsin,
do-ní an áirc shlaitleabhair shlim
'na báirc thaitneamhaigh thirim.

39 Rí na ndúileadh, Dia Athar,

d'éis na háirce d'ullmhachadh,
tug sé an díle ar an domhan
'sdo-ríne é d'fholmhoghadh.

40 Gur bháith Dia i ndíol a bhfoltadh
an bioth uile acht aonochtar,
níor sguir dá dhíbheirge dhíobh,
do mhúin fhírfheirge an Airdríogh.

4 Ní hí an áirc shoidhealbha sheang
do shaor iad ar fheirg ndíleann
an feadh do bhaoi an tuile ag tocht,
acht guidhe Naoi 'sa naomhthocht.

42 Is í an díle na danair,
is í an áirc Clár Conchabhair,
slat charmarsaidh chraoi Theamhrach -
Naoi an talmhansoin Toirdhealbhadh.

43 Naoi ar tús mar do toghadh lais,
do thogh Dia do dhruim eólais,
gnúis neamhdhuidhe Í Néill aniogh
tar féin ngealmhuighe Gaoidhiol.

44 Ameasg Gaoidheal ghúirt Teamhrach
Dia féin do thogh Toirdhealbhadh,
an toghusa Dhé na ndúl
ní horusa é d'iompúdh.

45 Ní maoidhte dhá mhac samhla
do rígh neartmhar nathardha,
'sa liacht rí Éireann dá fhuil,
ní dá ndéineann do dhéanaimh.

46 Sé rígh fhichead d'áireamh flath
anus ó Niall mhac Eathach
go Toirdhealbhadh dá bhfiar fíodh
ar fhiadh ghoirmiobhrach Gaoidheal.

47 Sé rígh dhéag d'aicme Eóghain
roimhe, ní rádh aineólaigh,
deichneabhar ríogh, druim ar dhruim,
do shíol chleithleabhar Chonuill.

48 Trí fichid rí is dá rígh dhéag
suas ó Niall, folt na bhfinnghéag,
fa chlár ndíllidh bhfuairfhiuch bhFáil
go Mílidh n-uaibhreach nEasbáin.

49 Ocht rígh 's ceithre fichid fear
do bhí roimhe ar ghort Ghaoidheal,
fearr an glún deireanach dhíobh,
geinealach úr an airdríogh.

50 Dá mbeith cách fós mar nach fuil,
i gcoimhmeas re cloinn nEóghain,
do bhiadh oirrim Bhanbha Breagh
ag coinnill Annla ar éigean.

51 Bheith ag cor re neart Í Néill -
ní tráth d'Éireannchaibh eiséin,
gan t'fhéaghan anú is neamhghuth
'snár féaghadh tú id Thoirdealbhuich.

52 A Thoirdealbhaigh mheic mheic Airt,
ní mór nách mairg do-chonnairc
urraim Ghaoidhil uim ghort bhFloinn
do mhaoidhimh ort mar urraim.